

آبونه شرائطی

داخلی، خارجی، هریرایچون
سنه لکی (۲۵۰)، آلتی آیلنی
(۱۳۰) غروشدور.

نسخه سی ۵ غروش،
سنه لکی ۵۲ نسخه در

اداره خانه

باب عالی جاده سنده دائره مخصوصه
اخطارات

آبونه بدلی بدیندر

مسئله، وفاق آثار مع المنونیه
قبول اولنور. درج ایدلهین
یازیرلر اعاده اولونماز

والله یهدی من یشاء الی صراط مستقیم

محمد عاکف

اشرف ادیب

آبیمون اهدکم سبیل الرشاد

۲۱ کانون تانی ۱۲۳۶

پنجشنبه

۳۰ ربیع الآخر ۱۳۳۸

عدد: ۴۵۶

جله ۱۸

اخطارات

ادرس تبدیلنده آیریجه بش
غروش کوندورلیدر

مکتوبلرک امضالری واضح
واوقه و ناقیل اولسی و آبونه صبره
نومروسی محتوی بوتوسی
لازمدر

مالک اجنبیه ایچون آبونه اولالرک
آدرس لرینک فرانسه زجه ده یازلمسی
رجا اولنور

باره کوندورلیدیکی زمانه ده دایر
اولدهی واضحاً بیلدیرلمسی
رجا اولنور

۱۳۰۰

دینی، فلسفی، علمی، ادبی، سیاسی هفته لق مجموعه اسلامیه در
باش محرر
صاحب و مدیر مسئول

آسیانك مساحه فسیحه سنده تنظیبات مدنیه سنی احتشامل ایچنده
تشر و توسیع ایدن حکومتلرک ، اقوامک اسلامه سر فرو ایتسی قوای
منتشره سنده دکل ایدی . بلکه سطوت مادیه سندن اول اقلیملر فتح و کشاد
ایتمک علویتنی کوسترن قوای مغنویه سنده ، عرفانه ، فضائله ، کالاته ،
معقلی اخلاقیه سنده ایدی .

اوت معالی اخلاقیه او مزایای جلیله ، او کالات علویه درکه نفوس
بشریه اکا مشتاقدر . ظلمدیده اولانلر سعادتی ، ادامه حیاتی آنک فیض
انتشارندن بککدرلر . ظالملر دخی اغوآت مظلمه نفسیه لرندن قلبا اجرا
ایندکاری خفی نفرتلر آرد سندن او معالی به حسرت چکدرلر .

عبدالعزیز محمدي

غرائق مسئله سی حقنده

دارالحکمة الاسلامیه اعضاسندن راسم افتدینک خطای عظمی

— ۲ —

غرائق نفسی نفوس و عقود مردوددر .

اولکی مقصده مزده بعض مقدمات بدیهیه سرد ایتش ، بونلره
مغایر اولان هر هانکی بر مطالعه نك مقارن حقیقت اولامایه جغفی ده
اکلا تمق ایسته مش و « غرائق » مسئله سنکده قضایای مسلمیه مغایر
اولوب موضوعات زنادقه دن اولدیغنی سویله مش ایدلا . شمدی اول
مسئله یی تصویر ایدم جکیز ؛ اوندن صکرده بوم مسئله نك بطلانی دلایل
نقلیه و عقلیه ایله اثبات ایدم جکیز .

معلوم درکه حضرت پیغمبر صلی الله تعالی علیه وسلم افندمن
حضرتلری « فاضلک بما تؤمر » آیت کریمه سی نازل اولدقندن صکره
دین اسلامی علماً تبلیغه بأمور بیورولمش ، بوتون قبائل و عشیرتی
دینه دعوتیه باشلامشدی . کندی اللریله یابدقلمی اصنامه طابدقلمدن
طولای اولنری دائمی تعقیب ایدیور ؛ صنملرنی ، آلهرنی تحقیر
ایدیور ؛ احیواماته یه مقتدر اولیان بواصنامک عبادته لایق اولمدقلمی
سویلیوردی . ده دو غروسی بوباده نازل اولان وحی الهی یی اونلره
تبلیغ ایدیوردی . آرتق بوندن طولای مشرکین قریش حضرت
پیغمبره قارش ادا وجفای آتیرمشلر ، بوتون قوم و قبیله سی کندیسندن
یوز چور مشلر ، آتباعی ایله برابر ذات نبوتینا هیلرینه بوقوت اعلان
ایتمشدری . غرائق قصه سنک محنته قائل اولان عبده خرافاتک بر قسمک
روایتیه کوره :

« مشرکینک جناب پیغمبردن اعراض ایتلری ، جناب پیغمبرکده اولنرک
مسلمان اولمیشنه پک زیاده حریص و مهابک اولسی طولایسیله قلب
رسالتینا هیلرندم بر اضطراب حصوله کلپور ؛ آرتق بعدما اولنری کندیسندن
نفرت ایتدیره جک بر آیت نازل اولمایوب ، بالعکس اولنرک اصنامنی مدحی متضمن
بر آیت نازل اولسنی نمی اتمیه باشلاور . چونکه بو ، اولنری کندیسنه
اماله ایندیرمه یه ، عناد و طغیانلرندن واز کچیرمه یه ، خلاصه آره لرخی تقریه
بر وسیله اوله جغنی بأمول ایدیوردی . بواصنیه کیتدیکه زیاده لصیوردی .

نتیجه ، موجودیت بشریه نك عمر طبعی ایله انطفا پذیر اوله رق
قنای ابدی یه معروض اولسی حکمت الهیه ایله طبان طبانه ضددر .
یوقسه امور دنیویه ده کی اجراءات الهیه نك حاشا سفه مقرون اولسی
لازم کلیر .

بوراده قلباً و یا قلباً اخفا ایدیلن حسنات و سیئات بر عالم دیکرله
علانیته خیقارده رق شریط و قوعات بشر برر نظر تماشیه قونلیدر .
ایشته مسلمانلرک دیدیکی آخرت او یوم عاقبتدر . او عالم ایمان ضروریات
دینیهدندر .

دین جلیل محمدی — انسانلره حناب حقه ایمان و شان الوهیه
تعظیم و طیفه سنی امر ایدم درک قلوب انسانیه یی مخافة الله ایله املا و هر کسک
روز جزاده خیر و شر اعمالک مجازاتی کوره جکفی تنیه و انها ایتدکن
صکره مغنویاتی تنظیم ایچون اخلاق بشری تهذیب و تذهیبه اهتمام ایدر .
ایشته بو مقصد علوی یه مبنیدرکه دین جلیل مذکورده اساس
اعتباریه بشری قیاضلر ایدن هر (خوی) مذموم ، انسانیه فائده
بخش اولان هر (خلق) حسن و نمد و حذر . صداقت ، عهده وفا ،
امانته عدم خیانت ، مظلومه امداد ، ملهوفه حسن مواسات ، فقرایه
معاونت ، سخا ، بویوکه حرمت ، کوچوکه شفقت ، والدینه اطاعت ،
اقربایه حسن مودت و حرمت ، قومشویه احترام ، اصحاب علم و عرفانه
تعظیم ، اولی الامر اطاعت ، بولکه حسن مقاله ، انعام و احسانه
شکران ، اخوان دینه تساند و تعاوضی منتج معامله معاوضکاری ،
جمعیت بشریه یه حسن خدمت کی هر بری اجتماعاتی تنظیم و تحسینه
اساس اوله جق نیجه محاسن اخلاقیه مبعجلات دینه دن معدوددر .

کذب ، ریا ، عهده مخالفت ، خیانت ، ظلم ، القای فتنه ،
مهرتسزلک ، خست ، والدینه عدم اطاعت ، تکبر ، غرور ، نخوت ،
آخری اضرار ، نیمه ، اصحاب ناموسه بهتان کی بشریته ایقاع ضرر ایدن
ذمائم خلقیه دخی دینک شدله نفرت ایتدیکی احوالنددر .

اساس مقصد معالی اسلامیه یه دائر بر تلخیصنامه فضائل یازم رق
مرأه اجمالده اسباب اعتلای سیر و تماشای ونه کی الجا آنک مخالف نقایسنده
انحطاط باش کوستردیکفی افشا اولدیغندن اخلاقیاتک زبده سیله اکتفا
جهتی ترجیح ایدلمشدر .

بالککز شوراسی بر حقیقت ثابت درکه اسلامیتک دوره اولیه سنده
دین جلیل محمدی تزکیه نفوس و تهذیب اخلاق بشریته اودرجه ده
اهتمام و بونک مآثر علویه سنی اودرجه ده تثبیت ایتشددرکه بشریت بویه
بر علونی ، بر فضیلتی هیچ بر زمان کورمماشدر .

شبهه یوقدرکه دین جلیل محمدی محاسن اخلاقیه نك مجموعه فضائل
و کالاتیدر . « بن مکرم اخلاقی تمام ایچون بعث اولندم » مآلنده
اولان حدیث شریفک دخی دلالت صریحه سی وجهله تهذیب اخلاق
بش بعث نبویه بر عات قدسیهدر .

دین جلیل محمدی اجتماعیات ، اقتصادیات سیاسیاتی هب محاسن اخلاقیه
ایله تنظیم و تزین ایتشددر . بوتون مسائل حیاتیه ده کی تعالی و تقدم
و تفضیلک اسرار مغنویه سی بوراده در .

چونکه مسلمان اولمیش شدله آرزو ایدیوردی . حال بو سنلری تحقیرک ایدم جا آیت نازل اولدجه اونلرک فرق آتور، کندینه هیچده یاقلاشما . یورلردی . بو معنی ، « والنجم اذا هوى .. » سورده سنک نزولنه قدر دوام ایدی . وقتا که جناب پیغمبر جمع قریبده ایکن (بز روایتده نماز ایچرو سنده ایکن) بو سورده نازل اولدی ؛ درحال او معنی نفسی استیلا ایدی . سورده جلیله قرائته باشلاهرق : « ومناته الثالثة الاخرى » قول شریفنه کلنجه شیطان معنی ایلدیکی شیشه مشابه برشی وسوسه والقا ایدی ، علی سبیل السهو والغلط جناب جنک فم رسالتیهایلی او طرفه میل ایدرک او اصنامی مدح ایدی ؛ اونلرکده شفاعتلی مأمول اولدینقی سولدهدی . بناء علیه : « أفرأيتم اللات والعزى ومنات الثالثة الاخرى » آیت کریمه سی . که الله کلای در او قودقندن سکره ، شیطانک القا ایتش اولدینقی (تلك الغرائق العلى وان شفاعتهن لترجى) سوزلریده شیطان کلای اولدینقی فرق ایتیه رکه او قوددی . ومشرکله سنلری مدح ایلدی . بونک اوزرینه مشرکین فوق الماده سولیدیلر . سورده نکل آخرنده کی سجده آیتنه کلنجه حضرت پیغمبر الله اهل اسلام امتثالاً للامر سجده ایدیلر . مسلمانلرله برابر مشرکله سجده ایدیلر . حتی سجده ایتک اقتدارنده اولیان بز قاج اختیارده برون طوبراقی آهرق آنلرینه سوزدیلر . آرتق بونک اوزرینه مشرکار جناب پیغمبر ادا وجفادن واز کچورلر . فقط حضرت پیغمبر بونک هیچده فرقته وارده یورلر . راسم افدینک تعبیری وجهله ، او جمله ملعونیه ده القاء شیطانى اولدینک فرقته وارمایدیرق الله کلای کی او قودیلر . وقتا که آقسام خانه سعادتلرینه عودت ایدیلر . جبرائیل علیه السلام کلوب او قومش اولدینقی جمله نکل وحی منزل دکل ، القاء شیطانى اولدینقی خبر ویرجه قلب نبویلری پک زیاده بخرون ومکدر اولدی . بونک اوزرینه تسلیت خاطرلری ایچون سورده حجاج الله ایکنجی آتی اولان « وما ارسلنا من قبلك من رسول ولا نبی الا اذا نطقى الى الشيطان فى امینه فینسخ الله ما یلقی الشيطان ثم یحکم الله آیاته والله علم حکیم [۱] » آتی نازل اولیور . ایشته « غرائق » قصه سی دیلن شی بودر . اولا اشاعیده بتفصیل ایضاح ایدیله چکی وجهله بومسئله فقلا ثابت دکل در . چونکه بومسئله حقنده کی روایات ، ابن عباسدن اک ضعیف وجهور محدثینجه مرود برطرقله کلشدر .

بومسئله ده نقه دن هیچ بر روایت موجود اولمایدوب بو روایتلری کتابلرینه قبول ایدنلر صحیح وسقیمنه باقمسزین تحف شیلری جمع ایتک هوسنده بولان کیمسه لردن عبارت در .

بورواقی قبول ایتک مجبوریتده قالانلر ، بر : « وما ارسلنا من قبلك من رسول ... » آیت کریمه سنده ؛ برده ابن عباسدن روایت ایدیان : « معنی قرأ ، امینه ده قرائت مناسنده در ، سوزینه نظر ایدیلر . آرتق کندیلری ایچون - ابن عباسدن روایتک صحقی فرض ایدیلدیکی تقدیرده - تأویل حق قابوسی منسد اولدی ، آیتک دوغرو بر تأویلی ؛ تمیز دیگرله آیتدن مقصود اولان معنای حقیقی کوره مز اولدیلر . آرتق اولنر ایچون یوقایدی کی قصه حقنده طریقلری مختلف ، لفظلری متباین حدیثلر روایت ایدنلرک شانی یوکسلوردی . چونکه او زمان آتی قولایجه تأویل ایدم یلیوردی . بوقصه نکل روایتی شایع اولدقندن سکره کتابلری اسراییلیات طولودورمق مراقنده اولانلر بونک اوزرینه

[۱] بز سندله اول هیچ بز رسول ، هیچ برشی کورمده که اور رسول ویا نبی برشی معنی ایدیلکی وقت شیطان آنک امینه سنده برشی القا ایتش اولماسون . جناب حق شیطانک القا ایدیلکینى نسخ ایدر ، سکره کندى آیتى تحکیم ایلر . جناب حق علم وحکیم در ...

دوشیدیلر ، بونی عقدہ ایمانلری اتحاد ایدیلر ؛ حتی آیتک معنایشی اکلایمق ، توجیه ایتک خصوصنده بوندن باشقه بر طریق اولدینقی ظننه [۲] ذاهب اولدیلر ؛ آرتق آیتک تأویلنده جهور محققینک رأی ، ائمه حدیثک بیانى اونوتدیلر ، اولنلری کورمز اولدیلر . بوسورتله (غرائق قصه سی) ، تدقیق وتحقیقه مستند اولیان بز طاقم کتابلره ، تفسیرلرده بکدی . حال بو که آتی بو طرزده تفسیر ایتک ، تبلیغده عصمت اصلنه معیار اولدینقی کی ، اعدایه ده بر سلاح هجوم ویرمک ایدی . فقط اسراییلیات عاشقلری بونی دوشونه ییلرلری . بویله برقصه اولدجه آیتلرک توجیهی کندى زعم باطنلرینه ممکن دکل . بناء علیه وقعه دوغرو در ، ایشته بوقدر ! شمدی بز مسئلہ ایکی نقطه دن تدقیق ومحا که ایتک ایستورز .

۱ - غرضکار ومتعصب اجنیلرک قائل اولدقلری کی ، « تلك الغرائق العلى ... » سوزینک قرآندن ، یعنی جناب پیغمبرک وحی الهی اوله رقی تبلیغ ایلدیکی کلام جمله سندن اولدینقی حالده - حاشا - قرآنه درج ایدیله مش اولمسی .

۲ - جناب پیغمبرک امینه سنده مشابه برصورتده اثنای وحیده بو سوزلرک شیطان طرفندن القا ایدیلوب جناب پیغمبرک هیچ فرقده اولقسزین وحی الهینک آرمسند بونی ده او قومش اولمسی . برنجی نقطه نظری آله آلام .

اولا بو عبارلرک قرآندن اولمایدیننه اک بیوک شاهد ، بلاغت وفصاحتدن ماری اولان بومصنع عبارلرک بالذات کندیلرینه در . بونلرک مختصرلری الفاظنده بیله اتحاد ایدمه مشلردر . بز اولردن الله ایدم ییلدکلریمزى بوجه آتی ذکر ایدیلورز :

۱ - تلك الغرائق العلى وان شفاعتهن لترجى .

۲ - ان شفاعتهن ترجى .

۳ - وان شفاعتهن لترجى وانها مع الغرائق العلى .

۴ - تلك الغرائق العلى منها الشفاعة ترجى .

۵ - وانهن لهن الغرائق العلى وان شفاعتهن لهن التى ترجى .

۶ - تلك الغرائق العلى وشفاعتهن ترضى ومنهن لا ینسى .

۷ - تلك اذن فى الغرائق العلى تلك اذن شفاعة ترجى .

۸ - تلك الغرائق العلى وان شفاعتهن ترجى .

۹ - تلك الغرائق العلى وان شفاعتهن لترجى .

شمدی انصاف ایدیلسین ! عادتا راویلرک عددی قدر مختلف شکلر عرض ایدن شو عبارلرک هیچ برنده کلمات آیات قرآنیده کی فصاحت وبلاغت وایجازی کوره ییلیمک قابل می در ؟ .. فیض علم ایله مستفیض اولان آذهان متفکره شویله طورسون ، آز جوق سلیقه عربیه واقف ذوق سلیم صاحب اولانلر بیله بو مصنع جمله لرک نه قدر آهنگسز اولدقلرینى تفریق وتمیز ایتکده کوچلک چکمزلر ، بلاغت قرآنیده کی آهنگ وانتظام ایله بو عادى سوزلرده کی انتظامسزلق ، آهنگسزک کوزه جاریه حق درجه ده آچیق در .

(والنجم) سوره سنی جهرأ اوقویه رق و منات الثالثة الاخری ، آیت کریمه سنه تردیفا بوسوزلری اوقویه جق اولورساق، درحال آهنگ وانتظامك ، انسانى غنى ایدن اوسلاست وبلاغت خارق العاده نك بوزولدیغنی حس ایدرز . بوسوزلر قرآندن ایسه قرآنك هر کلمه سنه کوریلن بلاغت وفصاحت واعجازدن نیچون محرومدرلر؟ بوتون قرآنی مثلی آبیاندن حاجز براقه جق برصورت بلیغه ده وجوده کتیرن، بالکیز بوایکی جمله ده می اظهار عجز ایتشدن ؟ .. اساساً غرائیق و غرائقه ده کی تنافر حروف ده نفاذ دقتدن دور طوتولماق ایجاب ایدر . قرآنده غرائیق و غرائقه کی متنافر الحروف هیچ برکلمه تصادف ایدلز . راویلرک اتفاق ایدمه مسی ده بونک مصنع اولدیغه ابروجه بر دلیل در . شومطالعات اساسیه دن قطع النظر بوجهلرک قرآندن اولمدقلری اثبات ایدن نقاط سائرده موجوددر . خصای دینك ادعاسنه کوره : حضرت محمد (ص . ع) مشرکین قریشی کندیسنه اماله ایتدیرمک ایچون آله لرینی تحقیر ایدمک آیت نازل اولماسنی تنیده استمرار ایدنجه کندیسنه « والنجم » سوره سی نازل اولمش ؛ سوره بی جماعت اهل مککیه اوقومش . سوره شو آیتلری محتوی ایمش : اترأ المان والزی ومنات الثالثة الاخری تلك الغرائق العلی وان شفاعتن لترنجی (لات ی) ، (عزرا بی ودیگر اوجنچی (منات) ی کورور میسکز یونلر نجیب غرقوق درلر . بونلرک شماعلری محقق امید اولنور . . . محمد (ص . ع) بونی اوقودقتن صکره مشرکار سونمشلر ومسلمانلر ایله برلکده سجده قیامتشر . . . فقط بو عبارت وحوار جمع اولنور ایکن (قرآن) اداخل اولونامش . (۱)

بوتصنیعانه بل باغلایلر ، بوندن مسلمانلق علیه بر حصه چیقارمق ایسته یلر هیچ دوشونمورلرکه :

« افرأتم . . . » آیتلرندن صکره بو عبارت لک کلسی ذکر ایتدکلری مقصدی هیچده تأمین ایتبور . چونکه مقصد ، اونلرک آله لرینی مدح ایدرک جلب قلوب ایدی ، دکلی ؟ . . . حال بوکه سوره جلیله ده مذکور اولان : « ان هی الا اسماء سمیتوها اتم و اباؤکم . . . » نظم جلیلی بوکا مانع در . غرائیق جهلسنك ذکرندن صکره بونظم جلیلک ورودی مشرکینک جلب قلوبی داعی اولماز . بلکه اودقیقه ده مشرکین طرفلرندن « بر سوره ده هم مدح آله و هم ذم آله اجتماع ایدیور ، دیهرک اعتراضده بوله جقلر ایدی ؛ حال بوکه بویه بر اعتراض اصلا مروی دکل در .

بناء علیه سوره جلیله ده کی : « ان هی الا اسماء سمیتوها اتم و اباؤکم » نظم جلیلی غرائیق قصه سنی ، عبارات مرویه نك محتق قطعی صورتده تکذیبه کافی در . والحاصل هانکی نقطه دن دوشونولسه بو عبارت لکلام الهی اولمقدن جوق اوزاقدن . . . شیمدی کلم ایکنجی جهنك تدقیقه : برنجی جهته قائل اولانلر ، شبهه یوق که ، دو قنور دوزی کی اک مفرط ، اک متعصب ، اک غرضکار اسلامیت دشمنلری در ، وبویه اولق ایجاب ایدر . چونکه بوکا قائل اولق ایچون اک بدیی حقیقتلری انکار ایتک لازم در . بونی هیچ بر مسلمان البته قبول ایدمه . ایکنجی جهته ایسه ، غرائیق قصه سنك محتق قبول ایدرک بونک القاء شیطانی اولدیغه قائل اولمقدن که

[۱] تاریخ اسلامیت دولنور دوزی .

بوده خلاف واقع در . مقصد من بو جهنك ده تماماً مردوده اولدیغنی اثبات ایتکدر .

برگره غرائیق قصه سنك نبوتی حقیقت قطعی دینه ایله طبعان طبانه ضدد . چونکه تبلیغه عصمت ، ارکان دینه دن اک مهم بر رکن در . قرآن واجماع ایله ثابت اولدیغی کی عقل سلیم ده بویه حکم ایدر . حال بوکه بو مسئله نك محتق فرض ایتک بورکی هدم ویا توهین ایتک دیمکدر . پیغمبر ، تبلیغ عن اللهده معصوم اولونجه بوکی ردیله دن تماماً منزله اوله جفته شبهه یوقدر . بواساس هدمه ساعی اولان روایاتک - کیمک طرفندن اولورسه اولسون - ذره قدر اهمیتی اولماز . ثانیاً : - غرائیق قصه سی من جهة النقل ثابت دکل در . چونکه نقه دن هیچ بر کیمسه طرفندن روایت ایدیله مشدر . اک ضعیف بر طریق ایله ککش ، ویوقاریده توصیف ایتدیکنز انسانلر طرفندن بلا تحقیق کتابله درج ایدیلور مشدر . سوزلری هر وجهله شایان اعتماد اولان اعظم علمامن بونی رد ایتکده درلر . بز ، اولنردن بر قسمی بویا درج ایدیورز .

صحیح بخاریده شویله دینیور : (وقال ابن عباس فی « اذا تمی القی الشیطان فی امنیه » اذا حدث القی الشیطان فی حدیثه فیبطل الله ما یاقی الشیطان ویحکم الله آیاته . ویقال امنیه قرآنه . « الا مانی » یقرؤون ولا یکتبون !)

کوریلورکه : صحیح بخاری ابن عباسدن روایه امنیه بی « حدیث » ایله تفسیر ایتدکن صکره قراءت ایله تفسیری (یقال) لفظی ایله حکایه ایدیور . بویسه تفسیرین بیننده مغایره دلالت ایدر . شراحک « ابن عباسک رأینه کوره حدیث ، تلاوت معنانه در ، ادعای ایسه ، ظاهر عبارتیه مخالف در . صکره « امنیه » بی قرأت معناسیله تفسیری (یقال) لفظی ایله حکایه ایتمی ، بوجهنك ابن عباس عندده معتبر اولدیغنی افاده ایدر . (ذاتاً حدیث ایله مراده حدیث نفس اولدیغنی ده آشاییده ایضاح ایدیله جکدر .)

صحیح بخارینك شو افاده سی اثبات ایدیورکه : ابن عباسک (تمی) به قرأ ، امنیه قرأت معناسی ویردیکی روایتی شایان اعتماد دکل در . بومعنا ابن عباسک مرضیسنه مخالف در . شبهه یوق که ، صحیح بخارینك سوزلری دورور ایکن باشقه لرینك سوزی شایان احتجاج اولماز .

صاحب الایریز شوصورتله بیان مطالعه ایدیور : « ان تفسیر تمی بمعنی قرأ والا منیه بمعنی القراءة مروی عن ابن عباس فی نسخة علی بن ابی طلحه عن ابن عباس ورواها علی بن صالح کاتب اللیث عن معاویه ابن صالح عن علی بن ابی طلحه عن ابن عباس وقد علم مالاناس فی ابن ابی صالح کاتب اللیث وان المحققین علی لضعیفه . . . »

صاحب الایریز ذیمک ایتدیورکه : « تمی » بی قرأ ، « امنیه » بی قرأت ایله تفسیر ، ابن عباسدن روایت اولنور ایکن بوراویلرک

ایچنده ابن ابی صالح کاتب اللیث ده موجوددر . بو آدمک ناصل بر آدم اولدینی ایسه محققینجه معلومدر .


کورولیورکه : شوقته نك اصلي اولان زوایتك راویسنی محققین تضعیف ایتکده درلر .

امام قسطلانی حضرتلری ده بخاری شرحده شوبله دیور : « غرائق قصه سی و بوقصه نك سندی ائمه دن پك چوققلری طرفندن طمن اولومشدر . حتی ابن اسحق بوقصه دن سؤال اولوندینی زمان : « هی من وضع الزنا دقة » بوقصه زندقلر طرفندن اویدورولمشدر . دیمشدر : « آرتق بر حدیث حقنده ابن اسحق : « هی من وضع الزنا دقة » دیدکدنصکره اوحدی انکار ایچین باشقه بر شینه حاجت اولسه کرکدر . شمدی برده بومشله حقنده قاضی عیاض حضرتلرینک فکرلرینی خلاصه ایدلم ، مشارائیه دیورلرکه : « بو ایله بر حدیث درکه ؛ بونی اهل صحندن هیچ برکیمسه تخریج ؛ سند متصل و سلیم ایله هیچ بر فرد روایت ائتمه مشدر . یالکز غریب و عجیب اولان هر شیشی طوبیلامنه حریص اولان ، صحیح و سقیم هر هانکی برکتاید کوزدیکنی - بلا تفریق - هان اخذایدن مفسر و مؤرخلر درکه بو وبونک کی اولان قصه لری کال خواهشله نقل و روایت ایتملردر . بوندن صکره قاضی عیاض ، ابی بکر بن العلاء دن بو روایتک سقامتی ، بوراده کی راویلرک اضطرابی اوزرینه دلالت ایدن و بو روایتی درجه اعتباردن دوشورن بر چوق شیلر نقل ایدیور ..

امام ابوبکر العربی - که روایت و تفسیرده حجت اوله رق کافی در - بوقصه ده وارد اولان شیلرک هیچ برینک اصلی یوقدر ، دیود .

پیشدی آتیه کیلی

احمد صمدی



قطعی وقانونی اجراء آتیه طوغرو

دارالحکمة الاسلامیه نك مساعی مجاهده کارانه سنه قارشو طشره - لردن بو کسه لن تبریکات و تشکرات بی نهایتک جرائد ستونلرند مع الشکران منظور اولسی اوزرینه بر طرفندن کو کسمزک قبارمه سیله برابر - بو تشکیلاتک اهمیت موقعیه اعتباریه محیطمزدده اظهار موجودیت ایدمه مسندن - دیگر طرفندن ده قلمزک حالا آجی آجی سیزلادیغنی حسن ایدیورز . اوت ، بیوک شهرلرده علاقه دینه لری ضعیف اولنلر درجه سنده - ولو قدرت و موجبات مؤثره و قطعیه کوسترمه سله لر دخی - دینله علاقه قطعیه لری بولنانلرک بلکه دهسا فضله بولندقلری جای انکار اولمדיنی حالده ، کویچک قصبه و قریه لرده امر بر عکسدر .

مثلا بیوک شهرلرده خلاف شرع صادر اوله حق بر حکمک حین تطبیقده اعتراضه مصادف و قائلنک اکثریا دوچار عتاب اولدینی محقق ایکن قصبه و قراده - اکثر خلقک مسائل دینه یه عدم وقوفلرندن

- عینی حکم ناقصک کنیدلرنجه معروف و لایخطی تلقی ایتدکری کیمسه لر طرفندن صدوری حالده بلااعتراض قبول و تطبیق ایدیلدیکی چوق کره مسموع و نظر حیرتله مشهود اولمقده در . کرچه بو کون طشره لرده کشاد اولمش و یا اوله حق دارالحکمة - الاسلامیه شعباتک صلاحیتی اجرای نصاح صورتیه نقطه ارشادی تجاوز ایدمه دیکندن بویه محدود صلاحیتک اخلاقسزلفک تماماً اوکته کجه میه جکی ملاحظه سیله مفکوره مزه مخالف اولمقله برابر تشکیلات مذکورده نك عینی غایه اوغورنده وجوده کتیریلیندن ، بونی اجراءات دینه نك بر مقدمه خیره سی تلقی ایدر و کال منت و شکران ایله محیطمزلک عینی تشبثدن مستفید ایدلسی خصوصنی اولیای اموریمز حضراتندن بنی ایلرز .

مشروطی دولتلرده هر درلو مفکوره و غایه لرک ، ملت طرفندن تشکیل اوله حق منتظم فرقلر طرفندن کوستریله جک لزوم اوزرینه نشر اوله حق قوانین ایله تعقیب و هر درلو مضراتک عینی اصول سالم تحتنده دفع و یا تحذیریه سی ایدیله سیله جکندن بو اصول خارچنده وقوع بوله حق بالعموم اجراءاتک - مؤثر بر موجودیت کوسترمه میه رک - آرزمانده دوچار عقامت و زوال اوله جنی ظنی تولید ایتکده در . کرچه بو کون وجودی شدتله آرزو اولان اسلامی بر فرقه نك حین تشکیلنده مهم مانعه لره مصادف اوله جنی وارد خاطر اوله بیلورایسه ده ؛ وجودی تخیل بو کی مانعه لرک وقوعی احتمالندن قورقورق ، فرداً بفرد محافظه احکامنه مأمور بولندیغیمز بو دین جلیلی ، ذهنلری سنه لر دینبری دینسزلکک مالا یطاق مباحثیه طوللیرلش زواللی خلقک رأی و تقدیرینه براقان اولیای اموره ، دینسزلکک سرعتله ترقیسنندن و اخلاقسزلفک تعمیندن متولد مادی معنوی بیوک بر مسؤولیت ترتب ایتکده در .

اکثر خلق ، اطرافتری احاطه ایدن اخلاقسزلفک مسؤولیتنی ، کنجلیرمز و مکشیریمز تحمیل ایدوب طور دینی حالده بر بومسؤولیتی دینک محافظه احکامنه مأمور بولان ، دینسزلکک اوفاق بر صدمه سیله اجتهادلرینی اورتیه قویمقدن چکینه رک اظهار حقده سکوت ایدن کبرای اسلامیه توجیه ایدیورز . جناوارلر طرفندن محو ایدیلن محصولک مسؤولی ، مانعه سنی منتظم طوعیان چیفتجیدر ، جناواردکلدر . بر بو دین جلیلک محافظه احکامنی بیلدیکجه ، هیچ بر فرد ابطلاله متجاسر اوله ماز . بومقصدک حصولی ایسه مجتمع قوتلر طرفندن حسن اداره ایله قابلدر . متفرق قوتلر ، اوفاق فقط مجتمع عکس بر قوتک جزئی صدمه سیله انهدام و زواله محکومدر . بو کون و یاخود یارین دینسزلکک اقلیتده اولدینی و اوله جنی بر حقیقت باهره ایکن اکثریت اسلامیه نك وضعیه حاکم اوله مامسنی بر اهلان بشقم صورتده تفسیرده مذکورز .

صلابت دینیه اربابندن اولنلرک تمسبله اتهاملرینک سبی ایسه ، شمدی یه قدر بزی هر اموره عدم بوقیته دوچار ایدن صورت